




39154

Mag. St. Dr.

P

Teol. 2285

Gdowski Sigismundi: Theoremata theolo-
gica de scientia Dei.



THEOREMATA
THEOLOGICA,
DE SCIENTIA DEI.

Ex prima parte Angelici
Doctoris de prompta.



CRACOVIAE,
Anno Domini, M. DC. XXI.

IN STEMM A.



PUrpureū inuestit quod terna cacumina luce
 Stella, poloq; nitens inserit usq; caput.
 Vadoui ille vigor tuus hoc scintillat Eoo
 Fax mentis lucem proucit inde suam
 Donec erunt cæli conuexa, & Stellifer æther
 Splendeat in tantos hæc tua stella dies.

Ad modum R^{do} D^{ño}.

D. MARTINO CAM-
PIO VADOVIO,

S. T. Doctori ac Professori, Eccle-
siæ S. Floriani Præposito &c. Facultatis
Theologicæ in Alma Crac. Vniuersitate
Decano, D^{ño}. Fautori, ac Præce-
ptori summè colendo.

*Fr. Sigismundus Gdowski Carmelita, S. Th. Licentiatus ac
Professor, Conuentus Crac. Regens.*

VNICVM AC VERE SVPREMVM HVM A-
na mentis bonum in contemplatione diuina Maiestatis in-
sistere: hac enim sola via, carcere corporis inclusa, ad per-
fectionem propriam accedit, & quasi velox accipiter recto tra-
mite, sursum euolat, cetera autem omnes vt fluxæ & caducæ, obli-
quo cursu feruntur occupationes. Verum cum sint inperscrutabi-
les viæ Altissimi, iudicia abyssi multa: humana mens, vt noctua
oculus ad radios solis expositus cecutit. Deus quod sit inuisibilis
sensus eum non percipit: quod ineffabilis, lingua non enarrat
quod incircumscriptibilis, locus non capit: quod immensurabilis
tempus non metitur: quod inaccessibilis, virtus non attingit: quod
incomparabilis & insuperabilis, desideria, & vola transgreditur.
Dicendum cum Iob 3. Nunquid in sapientia plumescit homo? &
sentiendum cum Serapide Dea, quæ a Nicroonte Tyranno Cyprio-
rum rogata, respondit. Illum pro maximo Deo habendum cuius

caput calum esset, venter, maria, pedes terra, aures in ipso aethere locarentur, oculi praesulgentis lumen solis: breuiter autem concludendo omnis creatura ad Deum comparata defectum habet. finiti enim ad infinitum nulla proportio ipse solus seipsum comprehendit. Quomodo igitur mortali homo ad cognitionem tuam M. iestatis, cum tam immensum chaos superans omnem conceptum existat peruenire potest? dicerem & fateor, ex mirabili operatione: Aristoteles a posteriori asserens insurget. Quærere volo, & inueniam fidelio rem magistrum, supremum preceptorem Saluatorem meum Iesum Christum, solidam petram, dulces fontes disciplinae producentem, qui sacro ore nos instruendo sic protulit. Non vultis credere mihi, credite operibus quae ego facio: Haec sunt salutaria, vera immediata precepta, quae nos manu ducunt in calum, spes nostras recreant, vota & desideria excitando faciant.

Hic ego inflamatus, animum iuxta Patronum habens alatum, vocationi ac vacationi intentus, ex abundantissimo Theologica veritatis penu theorema de scientia Dei deprompsi. Quod cum sit arduum potente indigeo (imbecillus ego) protectore. Multi dicent editioni aduersantes: Nunquid ordinem nostri cali & pones rationes eius in terra: plurimi propositam impugnabunt thesim, & si non expugnauerint saltem conuellere studebunt. Te itaque cuius singularem humanitatem semper agnouit: Admodum Reuerende Domine. summum doctrina, maximum iudicio pollicentem eruditione, qui & diuina tractare, illa intelligere atque tueri nosti, in Patronum eligo. Mystes Mystica Sacra fero & adscribo Tu vero meum munusculum, debitum virtuti tuae, animi obligatio pro beneficiis testem, ob fidem perpetuae gratitudinis sereno animo dignare, audenter sub tuis felicibus auspiciis descendendo adesse modo velis benignus fautor. Vale vive & effloresce.

THEOREMATA THEOLOGICA.

De Diuinâ Scientiâ

I. **D**IVINA Scientiâ vna, & simplicissima in se, per habitudinem tamen ad diuersa obiecta diuidi solet: primo in simplicis intelligētiæ & visionis. Per Scientiam Visionis cognoscuntur à DEO quæcunq; existunt in aliqua temporis differentia. Per Scientiam autem simplicis intelligētiæ cognoscuntur, quæcunq; possunt esse virtute Dei aut Creaturæ.

II. Hæc bimembris Diuisio ita est adæquata, vt nulla Scientia deturquæ propriè non sit simplicis intelligētiæ aut visionis, vnde nullum prorsus est obiectum intelligibile, quod non propriissimè sub aliqua ex his duabus Scientijs comprehendatur, cum nullum sit tale obiectum, de quo alterutra ratio contradictoria assignata propriè non dicatur.

III. Omnia obiecta increata quæ sunt Formaliter in DEO, pertinent ad Scientiam visionis, & nullo modo ad Scientiam simplicis Intelligētiæ, cum omnia illa in suo conceptu & propria ratione Constitutiuâ includant actualē existentiam. Cognitio autem omnium futurorum sub Conditione quæ re ipsa futura non sunt, essent tamen futura, si certæ Conditiones ponerentur, non

pertinet ad aliquam Scientiam mediam inter simplicis intelligentiæ & Visionis, sed ad simplicis intelligentiæ.

IV. Certum mihi est ex Fide DEVM cognoscere multa futura contingentia Conditionata, quæ re ipsa non sunt futura, essent tamen futura, si certæ Conditiones antecedentes & idoneæ ad ipsorum existentiam ponerentur. Horum autem Cognitio siue illa necessaria sint, siue libera, pertinet ad Scientiam simplicis intelligentiæ, non autem ad aliquam Scientiam mediam.

V. Diuiditur deinde Scientia DEI per Comparisonem ad Obiecta, innaturalem, & liberam, seu in necessariam & non necessariam: quam diuisionem quamuis antiqui Theologi non tam frequenter vsurpauerint, quàm præcedentem, est tamen valde utilis ad intelligendum qua ratione Scientia DEI sit causa rerum.

VI. Quamuis etiam innumeri ex Theologis recentioribus, membra huius Diuisionis confundant cum membris præcedentis, nos tamen illa non confundimus: nam Scientia illa qua DEVS seipsum cognoscit propriissimè est Scientia visionis, non minus quam visio Creaturarum existentium, quæ tamen est omnino necessaria & naturalis, & hinc constat Scientiam visionis ex parte rerum existentium latius patere quam Scientiam liberam.

VII. Ratio itaq; Scientiæ Visionis sumenda est ex existentia obiecti, ratio vero Scientiæ liberæ ex hoc, quod obiectum possit non esse, aut aliter se habere in ratione veri, aut obiecti, quæ duæ rationes multum inter se differunt. Sunt quoq; aliqua futura cōtingentia Cōditionata, quæ habent veritatem ex libero & æterno DEI Decreto, quo decreuit illa fore si certæ Conditiones ponerentur.

VIII.

VIII. Et huiusmodi est illud 4. Regum 13. de Syria delenda à Rege Ioas si iaculo quinquies ad Orientem percussisset, quorum futurorum Scientia proculdubio comparatione Obiecti est libera, nihilominus huiusmodi Scientia pertinet ad simplicem intelligentiam. Quæ Diuisio est etiam adæquata, ita vt nulla detur Scientia media inter Naturalem & liberum.

IX. Si autem quæraturn ad quodnā huius Diuisionis membrū pertineant futura Cōditionata reispera non futura. Respondens cū Distinctione, illa enim quæ veritatē habent, ex Decreto DEI libero Conditionato ex parte Obiecti, quo decreuit vt essent, si tales Conditiones ponerentur, pertinent ad Scientiam liberam ex parte Obiecti, cum sit Circa Obiectum omnino liberum.

X. Illa deinde quæ dicuntur Futura sub Conditionibus, quæ non possunt poni in esse, quin ponatur etiam, quod sub talibus conditionibus dicitur futurum, pertinent ad Scientiam Naturalem & Necessariam. Illa deniq; quæ talia sunt sub cōditionibus, quæ spectata earū natura possunt poni in esse sine re quæ dicitur sub conditione futura, pertinent ad Scientiam Dei liberam ex parte obiecti.

XI. Ex sententia Sanctorum Patrum & S. Tho. Scientia Dei est causa rerum, & practica, non ea ratione qua terminatur ad futurum, atq; adeo vt est visionis & libera, sed potius quatenus est cognitio rerum factibilium vt factibiles sunt, pertinetq; ad simplicem intelligentiam. Vnde hæc causalis; (ideo aliquid futurum est quia scit Deus esse futurum) accepta secundum causam essendi falsa est, quamuis vera sit secundum sensum consequentiæ & illationis.

XII. Scientia simplicis intelligentiæ in Deo est simul speculatiua & practica; speculatiua quidem quatenus contem-

contemplatur quidditates & proprietates omnium rerum
possibilium. Practica verò, primo per modum prudentiæ
respectu actuum liberorum Diuinæ voluntatis: Secundo
per modum artis respectu productionis creaturarum ad ex-
tra, quam ob causam in scriptura non solum Deus, sed et
am eius Scientia dicitur rerum artifex.

XIII. Absolutè & absq; limitatione aut explicati-
one dici non potest, DE VM aliquid scire, quia illud fu-
turum est, sed potiùs dicendum est, ideo Scientiam Di-
uinam terminari ad res futuras, quia illæ futuræ sunt:
vnde si in propositione illa, (Ideo DEVS scit aliquid
futurum esse, quia illud futurum est) aliquid addatur, quo
significetur causalitatem solum referri ad terminationem.
Propositio illa erit vera, absolutè tamen prolata, quic-
quid alij recentiores dicant vera non est.

XIII. Ex fide certum est futura contingentia eos
gnosci à DEO priusquam fiant, negari enim non potest
competere ipsis aliquam veritatem, & cognoscibilitatem,
quatenus futura sunt, qua certò & determinatè cognosci
possint, nempe eam quæ ipsis competit, non secun-
dum esse quod habeât in causis sed secundum rationem es-
uentus sequentis: nam sicut rectè dicimus aliquid fuisse,
quia aliquando fuit præsens, pari modo negari non potest,
verè nos dicere, antequam aliquid sit, quod ipsum futu-
rum est, quia aliquando erit præsens.

XV. Certum quoq; est res omnes creatas, aliquân-
do esse præsentēs Diuinæ Aeternitati, Aeternitas enim
DEI cum sit tota simul, omne tempus, & durationem
amplectitur: vnde necessario est quodcumq; quodlibet
Creatum existit: saltem ergo tunc quodlibet Creatum est
præsens & coexistens aeternitati, quādo existit in propriā
duratiōe

duratione, quia Aeternitas est indiuisibilis tota simul, & sine partibus Prioribus & Posteribus, vnde quicquid est illi præsens Tori est præsens, quamuis inadæquatè.

XVI. Cognitio Dei cū ab Aeterno feratur in omne intelligibile, fertur etiā ab Aeterno, in omnia quæ geruntur in tempore, attingendo eorum non solum quidditates, sed etiam præsentiam illam realem, qua cum existunt in illā suā duratione, sunt realiter præsentēs Diuinæ Aeternitati, cum enim vt sic sint Obiecta intelligibilia attinguntur ab Aeterno à DEO, & hoc est illa esse ab Aeterno præsentia DEO Obiectiuè, quantum ad præsentiam realem, qua aliquando sunt præsentēs Aeternitati.

XVII. Res ergo quæ geruntur in tempore, non fuerunt DEO præsentēs realiter, sed solum obiectiuè, ita tamen vt cognitioni DEI ab Aeterno non solum obijcerentur rationes quidditatiuè earum, sed etiam illa ipsa temporalis illarum præsentia, qua cum existent in sua duratione, sunt realiter præsentēs & coexistentes suæ aeternitati, de illaq; habuerit DEVS ab Aeterno cognitionem intuitiuam.

XVIII. Sed tunc solum quando existunt in suā duratione, sunt realiter præsentēs, & coexistentes Diuinæ Aeternitati, antea verò solum erant præsentēs obiectiuè, non solum secundum cognitionem simplicis intelligentiæ, qua rationes quidditatiuè earum sunt ipsi præsentēs ab Aeterno, sed etiam secundum cognitionem intuitiuam & visionis, qua illa præsentia temporalis, per quam res dum sunt in sua duratione, sunt præsentēs realiter Diuinæ Aeternitati, fuit ab Aeterno Obiectum Diuinæ cognitionis, non minus clarè ac distinctè, quàm cum existunt in suā duratione.

XIX. Idæ non possunt esse ratio Obiectiua in qua DEVS cognoscat futura contingentia, neq; cognoscuntur à DEO in sola suę scientiæ perfectione, antecederet ad decretum, vt falso aliqui autumant.

XX. Non potest concedi ab Aeterno in DEO prædefinitio efficax nostrorum actuum liberorum, ante visionem absolutam nostrę determinationis, nisi concedamus esse in DEO prius ratione scientiam conditionatā, qua cognoscat certò quid effectura sit voluntas Creatæ, ex Hypothesi quod ponatur in tali statu occasione, circūstantijs, & sic & sic excitetur, aliter huiusmodi prædefinitio efficax Dei, destrueret Libertatem nostram.

XXI. Hac Scientia in DEO præsupposita, nullum sequitur præiudicium nostri vsus liberi, ex eo quod DEVS prædefiniat actus nostros in particulari, ante Scientiam visionis determinationes nostrę, imò valdè consonum est perfectissimæ prouidentię DEI, scripturæ & Sanctis, concedere DEVM Aeterno suo decreto, prædefiniuisse in Indiuiduo & in Particulari actiones nostras Liberas bonas, quas in tempore facimus, & maximè supernaturales, ante Scientiam Visionis nostrę determinationis ad eas.

XXII. DEVS in suis decretis prædefinitiuis actuum nostrorum, potest quidem & de facto aliquos ex nostris actibus facturos contingentes cognoscere, & aliquos non cognoscere. Decretum tamen Aeternum concurrendi ad actus nostros liberos, non est sufficiens ratio, ad huiusmodi nostros liberos actus futuros contingentes cognoscendos; voluntas etiam permittendi peccatum, non potest esse ratio sufficiens, vt DEVS peccatum futurum cognoscat.

XXIII.

XXIII. Nulla ratione admittenda est prædeterminatio Phisica in hærens, qua voluntas à Deo ad actus naturales prædeterminetur, proinde DEVS non cognoscit futura contingentia, certò & determinatè in proximis eorum causis, sed potius illa cognoscit in seipsis, attingendo simplici intuitu eorum veritatem & realitatem, quam suo tempore habebunt. De fide etiam est, Diuinam præscientiã futurorum contingentium, neq; auferre, aut immutare, ipsorum contingentiam.

XXIII. Ratio obquam Scientia Visionis DEI circa futura contingentia non obstante eorum contingentia sit Certissima est, quia fertur ad illa, in quantũ sunt in seipsis, & in quantũ iam habent illam necessitatem cõsequentem, qua omne quod est, dum est, necesse est esse, licet per compactionem ad causam possint esse, & nõ esse.

XXV. Multa sunt contingentia Conditionata, quę reipsa futura essent, si certę quædam Conditiones ad eorum existentiam ponerentur, quę omnia certò & manifestè à DEO ab Aeterno cognoscuntur, secundum determinatam rationem futuri sub conditione: imò cum multa eorum reipsa habeant rationem futuri conditionati, ante omne absolutum decretum DEI, de illis est certa Scientia in DEO ante omne huiusmodi Decretum: cognoscuntur autem hæc conditionata non in Causis, nec alibi, quàm in ipsã earum veritate Obiectiuã, quę est in eis, & in Propositionibus Conditionalibus de ipsis, ante omne DEI Decretum.

Disputabuntur **CRACOVIA** in **ECCLESIA**

Anno Dñi 1620.

Mense

die

Hora



Biblioteka Jagiellońska



stdr0016717

